

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Sermo XI. Malleus Architecti Christiani

[urn:nbn:de:hbz:466:1-46065](#)

X.
contem-
quam p.



SERMO XI.

MALLEVS

Architecti Christiani

ARTICULVS I.

EXERCITIUM VIRTUTVM.

VT Clavos infigat Artifex aliud postulat instrumentum, quod dicitur MALLEUS; vel quod res duras molliat, quasi Molleus; vel, quod, quæ dura sunt, mollientur ad ignem, ut malleis flagellentur. Malleo autem utitur Architectus ut Clavi adigantur, & firmentur: quod non minus est necessarium in Architecturâ sacrâ nostrâ, quam in vulgari. In illâ sunt Clavi, Virtutes, bona proposita, meditationes piæ, vota; qui ne excidant fortiter imprimi debent, & profundè infigi. Quod sit exercitio, & actuum frequentatione. Itaque hæc apud Architectum Christianum sunt Mallei, quibus peritè utendum est. Frequentatis actibus fit habitus, inquit Philosophus: id est, in nostrâ disciplinâ, Clavus virtutis, qui antea vix superficiem penetrabat, & facillimè manus unius apprehensione poterat extrahi, repetitione operationum eiusdem virtutis intima penetrat, & firmissimè infigitur. Est quoque necessarium uti Malleo, ne clavi sponte excidant, quod fieri solet temporis decursu, quando in ædificio afferes trabesque siccantur: tunc enim dilatatis

Qq 2

fora-

foraminibus ultro cadunt; quod ne fiat, percusione Mallei profundius immittuntur; aut si factum, in locum iterum suum defiguntur. Nihil est homini voluntate mutabilius, quæ in continuo est motu ideoque ambulatoria dicitur: hæc levi de causa nonnunquam, sive dolore clavorum, sive carnis fragilitate, sive tepiditate spiritus, sive amore libertatis, sive persuasione Cacodæmonis, sive pravorum exemplo inducta, virtutum, votorumque clavos ejicere nititur, si non effectu, abiurando; saltem affectu, aliquatenus pœnitendo. Hic advigilet oportet Architectus Christianus, qui Votorum restauratione, & virtutum exercitio, tanquam Malleo arrepto, clavos iterum iterumque infigat; & tam firmiter, ut impossibile deinde existimet clavorum evulsionem, aut votorum violationem, & mandatorum divinorum voluntariam transgressionem. Hac persuasione firmatus in optimo proposito castitatis colendæ, quam pro ea ætate fastidiose voto roboraverat Joseph Patriarcha, cum à procaci muliercula ad flagitium incitaretur dicebat animo Genes. xxxix. *Quomodo possum hoc malum facere, & peccare in Deum meum?*

Hic mihi in mentem venit Heroina Jahel, quæ quotiescumque erit sermo de Clavis & Malleo Artifici Christiani, celebrari deberet. De eâ dicit Scriptura Judic. iv. *Tulit Iahel Clavum, assumens pariter & Malleum, & ingressa absconditè. & cum silentio, posuit supra tempus capitiū ejus clavum, percussumq; malleo defixit in cerebrum, usque ad terram, qui soporem morti consocians, defecit, & mortuus est.* De eadem eleganter in epinicio poëtico Debora Prophetissa Judic. v. *Benedicta inter mulieres Iahel: sinistram manum misit ad Clavum & dexteram ad fabrorum Malleos, percussitq; Sisaram in capite vulneri locum, & tempus valide perforans.*

Inter

Interpedes eius ruit: defecit, & mortuus est. Si lubet conser-
tari allegoriam moralem instituto nostro accommo-
datam, in Historia, recte dixeris; Sisaræ caput denota-
te Vitium aliquod capitale; Clavum, Virtutem illi op-
positam, maximè, si sit voto firmata, aut, ut loqueretur
fortasse Paulus Apostolus, radicata: nam ad Ephes. 3.
17. requirit radicationem & fundationem in charitate: deni-
que Jahelem designare Architecturæ sacræ studiosum
Clavo & Malleo instructum, id est, Virtute & voto, ac
utriusque frequenti exercitatione.

CLAVUM tamen etiam alium, Malleumque hic con-
templor in Jahelis manibus. Et quidem controverti vi-
deo inter Codicis divini expositores, Clavus iste ferre-
us ne fuerit, an ligneus? Ferreus ad penetrandum tem-
pus Sisaræ aptissimus erat, nam acutior est ligneo: ali-
qui tamen existimant, fuisse ligneum, ut expressius re-
præsentaret CRUCEM CHRISTI quæ fuit ex ligno. Qui
volunt fuisse ferreum, addunt, fuisse typum, immò ide-
am clavorum ferreorum, quibus Christus fixus in Cru-
ce, in eadem confixit Sisaram, id est, Diabolum, Du-
cem exercitus Tartarei populum DEI persequentis, ut
Origenes differit: nam vires ei omnes ademit quod i-
dem fuit, ac peremisse. Magis universè Rupertus Ab-
bas in Cap. 7. Judic. PASSIONEM Domini, ut Clavum
concipit, & adjungit illi respondentem Malleum Clavus,
inquit, Tabernaculi ipsum est Stigma Passionis Christi. Clavum
tulit, quæ jussa mortificare membra sua super terram, Crucem
suam bajulavit, crucifigens carnem suam cum vitiis & concupis-
centiis. Hoc tunc validè fit, quando non pro vanitate humana lau-
dis, sed pro gloriâ DEI assumitur afflictio carnis: non, inquam,
in ambitione auræ popularis sed in Timore Domini. Idcirco
Psalmista postulat: Confige Timore tuo carnes meas, Psalmo
cxviii. Itaque sensu Ruperti, CLAVUS pro Architecto
Christia.

Christiano, est afflictio carnis, mortificatio, pœnitentia, quam suadet Passio Dominica: MALLEUS est Gloria DEI, & quem adjungo, Imitatio Christi patientis. Hic Malleus, & non Vanitas, non ambitio auræ populatis, non æmulatio invida, infigere debet desiderium austritatis, abstinentiæ jejunii, humi-cubationis, peregrinationis, castigationis corporis, & quæ sunt generis illorum externorum cruciatuum. Soli Deo immortali, & pro nobis mortuo Domino CRUCIFIXO sit Honor, & Gloria. Mortificate membra vestra, quæ sunt super terram: ad Coloss. 3. 5. afflige corpus, portate vestem cilicianam, cingite lumbos catenâ ferreâ, ambulate nudipes, facco vos involvite, flagellis dorsum stellatis, ut sanguinis rivi fluant, cædite, Crucé humeris trahalé injicte, & per terram saxosâ viâ trahite; in spinas nudi prospite, & vos versate; infinita alia austerratum genera, ad quæ excogitanda ingeniosus est amor, & ad perfervenda est fortis Amator CRUCIFIXI adsumite. Sed quæ vos, non impellat adhæc vanitas. At, Sic luceat lux vestra coram hominibus, ut videant opera vestra bona, & glorificem Patrem vestrum qui in in cælis est. Matth. v. Ipsí Soli sit Honor & Gloria.

VIDE, quæ dixi in Centurie de Crucifixo honorato. Centuria num. 35. Amator Crucifixi adhibet Crucem, ut Iahel Clavum, si Sisarum populi Dæi hostem capitalem, nempe; Peccatum & Cacodemonem interimendum. Consule etiam Opus de Militiâ Christianâ in cuius Tomo II. lib. 4. Comm 7. Memb. 2. & lib. 5. Comm 4 Memb. 7. differitur ex professo de Clavo & Malleo Iahelis.

(*,*)

ARTI-

ARTICULUS II.

USUS MALLEI ARCHITECTONICI.

Exerce te ipsum ad Pietatem. I. ad Timoth. IV. 7.

CUM Clavus in Architecturâ Christianâ sit Virtus quælibet, & Malleus, actionum cuiuslibet, Virtus frequentatio, monent vitæ spiritualis Magistri, operationem virtutis crebrò iterari debere, quod singularis repetitionibus, veluti ictibus Mallei penitus infigantur Quamvis autem operationes omnes, dum repetuntur sint tanquam Malleus virrutem magis, magisque infigens & consequenter firmans; illæ tamen, quæ sunt ferventiores instrumentum istud magis expriment, siquidem Virtus iis magis imprimitur & augetur. Est quidem verum, omnibus operationibus Caritatis repetitis & cōtinuatis, hominem mereri Caritatis augmentum: sed si probanda est S. Thomæ sententia, 22. q. 24. art. 6. ad 1, non statim incrementum accipit ita operans, sed quando conatur ad hujusmodi augmentum: & ut graves quidam Scholastici opinantur, cum in ferventiores aliquem prorumpit, accesseritque actus vehementior, quo plus efficitur, quam multiplicatis languidioribus plurimis: Sicut ictu uno validissimo magis infigitur clavus, quam iteratis aliquot levibus percussiōnibus. Actus illi, si sint intensissimi, & velut octo graduum, vocantur Heroici, quorum vis ad ingenerandum habitum, & radicandam in anima virtutem est efficacissima, & plus ad id valet unus, quam deni, vicien, immò cateni remissiores. Quapropter conatus est ad-

Qq 4

hi-

hibendus frequenter, ut eliciantur actus perfe*c*tissimi, incumbendum est semper operationibus vehementioribus, opera jugiter danda virtutum functionibus heroicis: Malleo diligentia*c* clavus virtutis fortiter, ita men, ut prudentia*c* Christiana*c*, & discretionis, illud clamantis, tunde, tunde, habeatur ratio, nec vires oppimantur. Unde suadent perfectionis amantes, ne quam virtutis studiosus remissiores actiones ex industria*c* exerceat, nisi fott*e* aliarum rerum occupationibus necessariis ita sit districtus distractusque, ut nullam temporis partem cogitandis aliis, & viribus intenders dare possit.

Hæc, & quæ huc spectant plura, continentur in exhortatione Apostoli, qui erudiens dile*c*ctissimum discipulum suum Timotheum*c* hoc ei inculcabat: *Exerce ipsum ad pietatem.* Quo imprimis præcipiebat actiones virtutum: deinde actionum frequentationem, quam per Exercitium intelligit: denique, conatum, vehementiam; & intensionem actionibus conjunctam, quam secum adfert verbi, *Exerce, energia, & objectum Exercitii* quod est Pietas, quæ exigit in homine sibi dedito, præter amorem, fervorem quoque & ingens illam perfecti consequendi desiderium, & in omnibus ad ipsam pertinentibus alacritatem, qua ad intensissimos actus extimulatur. *Exerce te ipsum,* inquit, *ad Pietatem,* id est, circa pietatem, in functionibus pietatis, in arena*c*, aut stadio Pietatis, ad pietatem Christianam, solidam, perfectam, consummatam obtinendam, tibiique infigendam: hoc quilibet sibi dictum existimet. Quod Latinus interpres vertit, *Exerce.* Græcè est γεμνάσθαι: id est, exerce te athleticè, nempe, tam exactè, tam accurate, ferventer, intense, operationes ad Pietatem spectantes, siue internas, siue externas exequere, quam athletæ suas

in

Etissimi, in stadio, ut bravium assequantur: nam & tu athleta es Christi: nihil autem remissè, nihil frigidè, nihil flaccidè in arenâ, quod officii sui est, faciunt, qui in agone contendunt athletæ. Itaque, si edas operationes fidei, spei, Caritatis, temperantiæ, prudentiæ, justitæ, fortitudinis, humilitatis, pœnitentiæ, aliarumque virtutum, sunt athleticæ, & heroicæ, ferventes, intensæ, ex toto conatu, totisque viribus: nam hic Pietas omnia ista complectitur. Quare, sensu S. Chrysostomi, per pietatem nullam intelligebat Apostolus, vitam secundum virtutem regendam, & mores Christianos: judicio S. Ambrosii, misericordiam & beneficentiam in proximum: Hæc enim Græcè, ἡρόεσσα. Latinè Pietas interdum vocatur, ex Aug. lib. x. de Civi. Cap. i. eo quod Deus opera misericordiæ præcipiat, & se iiscoli præ sacrificiis significet: interpretatione antiquorum Anachoretarum, Nili, Maximi, Philothei, Dei contemplationem, & abstractiōnem à rerum corporearum sensu: denique secundum communem intellectum, opera ad Dei Cultum præcipue Spectantia quæ devotionis à quibusdam dicuntur, ut sunt oratio, meditatio, adoratio, cantus, sacrificatio, & alia ad virtutem religionis spectantia.

Qui cum que igitur vult esse Ædificator Domus Sapientiæ, accipiat in manibus, id est, activis suis potentiis, quales sunt, intellectus & voluntas, Malleum ac Clavos: Malleum Exercitationis, Clavos virtutum. Exerceat se ad sobrietatem, demissionem, modestiam, castitatem, & quæ omnes complectitur, ad omnia utilis, Pietatem: infigat hanc frequentatione actuum heroicorum firmiter: animam autem eodem clavo connectat Sapientiæ irrevocabiliter & inseparabiliter; nunquam ociolus, ne audiat ut multi, cum sarcasmo: *Quid statis hic totâ die ociosi?* At Domine, quò ibimus? quò! ad vineam Crucifixi. Ad

Qq 5

Cru-

Crucem, ad Crucem D. N. IESU CHRISTI in quo est
Salus, Vita, & resurrectio nostra. Per quem salvati & libe-
ratissimus.

ARTICULUS III.

MALLEI

Quotum non est ullus usus, dum ædificatur Domus
Sapientiæ. Virtutum Fabrica. Pietatis
Ædes.

*Malleus & Securis, & omne ferramentum non sunt audit in
Domo, cum ædificaretur. Lib. II. Reg. VI. 7.*

MIRARI quispiam posset, quod in suppellectile
Architecti Christiani numeremus Malleum, &
& ad ejus tractationem hortemur Ædificatore
Domus Sapientiæ, cum constet in ædificatione Templi
Salomonici, quod fuit typus Ædificii Spiritualis ex vir-
tibus, & est verum Templum Divinitatis, ac Domus
Sapientiæ, non fuerit auditus strepitus, nec mallei per-
cussio, quæ non fit absque strepitu, Clarissima sunt illæ
ex Regum sacra historia. *Domus, (sive Templum) cum
dificaretur, de lapidibus dolatis atque imperfectis (siquidem jan-
dolati & perfecti erant in monte Libani, aut alibi, ante-
quam in Sion ad fabricam Templi adducerentur) adi-
cata est: & (sive, idcirco) malleus & securis, & omne fer-
mentum non sunt audita in Domo, cum ædifiearetur. Nimirum,
opus non erat malleo, securi, aut alio instrumento fer-
reo ad illos aprandos, vel conjungendos, nam perfecti
erant quadrati: quare calcem tantum adhibebant ope-
rarii, ut cohærerent. Rabbinicum est commentum,*

Malle-

Malleum non fuisse auditum in ædificatione Templi, eo quod Latomi sanguine vermiculi, quem Ianni vocabant, lapides secuerint. Nec reor, quod scripsierunt Procopius & Glycas, omnes lapides, D^o ita disponente, sic fuisse in montibus natos, vel excisos, ut ferro ad copulationem haud egerent. Probabilissimum est, quod Lyranus, Abulensis, & ex iis recentiores docent, (a) ac paullo ante insinuavimus, fuisse in monte sectos, dolorosque lapides: ad quid ergo Malleus? cuius strepitum noluisse audiri etiam ob reverentiam Templi illius ædificatores suspicari possis; ac, ne Salomonis & aliorum Fabricam spectantium aures strepitu Malleatorum, & territorum offenderentur.

Hæc si ædificationi Domus Sapientiæ, quæ ex Virtutibus, tanquam lapidibus constat, accommodemus, dicere possumus, in ejus ædificatione, nullum esse usum malleorum, quæ strepitum edunt, & aures vulnerant, ut mallei ferrei; quamvis ejus Ædificatores malleis utantur iis, quos hactenus explicavimus, & sunt virtutum functiones, quæ placidissime, modestissimeque absque ullo sono molestiam adstantibus spectantibus-ve creante, opus suum peragunt. Qui autem sunt illi mallei, quibus percussione præstrepentibus, Regis Pacifici aures offenduntur, nec ad Architecti Christiani suppellestilem pertinent? Aliquos istiusmodi nominat Divina Scriptura Et imprimis, Sunt MALLEI, de quibus Sapiens Proverbiorum xix. 29. Parati sunt Mailei percutientes Stultorum corporibus. Stultorum, id est, criminorum, vel impiorum, ut exponit Dionysius, addens, quibus etiam in hac vita pro diversis flagitiis, varia & amara infliguntur tormenta, ut flagellationes, mutilationes, suspendia, rotationes ac similia genera mortis. Infernalia quoque supplicia impenitentibus: quemadmodum in Apocalypsi dicitur; Timidis, & incredulis, &

execta-

execratis, & omnibus mendacibus, pars illorum erit in stagno ardenti igne & sulphure. Beda quoque ad supplicia gehennæ respiciens, Reprobi, inquit, iugis, vel comminationis divinae judicium derident, prata tamen eos expectant judicia damnationis, quæ, ut Mallei ferrum candens, ita eos in fornace gehennæ, sine fine verberant. Videre est, in Ardenna aliisque locis, ubi officinæ sunt malleatorum, ingentes, Malleos ferreos, molis aquatilibus elevari, quibus ferrum candens tunditur, qui horrorem intuentibus incutiunt. Ex quibus Malleos gehennæ, quibus in incude ignita tunduntur reprobi, facile est imaginari. quod fecisse se testatur Vir doctus apius, Proverbiorum interpres. (a) Non est etiam absurdum, opinari, per Malleos percutientes, alludi ad crucifragum, quod iis, qui in crucem agebantur, crudeliter inferebatur: hoc enim malleis peractum olim, est verisimile (b) ut sensus sit Mallei percutientes stultorum corporib, aut, vt est in Hebræo, confractio[n]es, vel confusio[n]es, hoc est, crux infamis, & crudele crucifragum manet stultus, iudiciorum divinorum irrisores, aut magis vniuersæ impios, certè, ijs debetur. Horum Malleorum streptus non auditur, dum ædificatur Domus Sapientiæ, cum ad eius ædificationem non admittatur ullus stultus, impius, iudiciorum divinorum irrisor, & Iustitiæ contemptor.

MALLEI alterius est mentio celebris apud Ieremiam Prophetam, qui ita intonat, sive per admirationem, sive per irrisiōnem cap. 50. Quomodo contractus est, & contritus Malleus vniuersæ terre? Quomodo versa est in desertum Babylon in Gentibus? Vocatur hic Babylon, aut potius eius Rex Nabuchodonosor Malleus, quia tanquam Malleus adamantinus perculserat, & conuderat totam ter-

(a) Corn. à Lap. Prou. XIX. (b) Salazar Prou. XIX.

ram, ita ut nihil, quantumvis durum & æneum ei resistere posset, aut eius iustum sustinere, quin confringetur, ac dissiliret. Quo intuitu arrogantius quam felicior Fridericus II. Imperator iactabat se esse Malleum Romæ, & Romanæ Ecclesiæ, immò Orbis terrarum universi. Quocirca Malleus Babylonicus symbolice est superbia, arrogantia, iactantia, sui æstimatio, aliorum respectus, Tyrannis. Hujus etiam Mallei sonus non auditur in ædificatione Domus Sapientiæ, ad quam conueniunt soli humiles, modesti, suorum non auari detentores, alienorū nequaquam audi raptiores, sed benefactores vniuersæ terræ.

S. Augustino tract. de honest. mulier. Malleus Babylonicus, olim dominans, & conterens totam terram, nempe, omnes homines est Luxuria. Et quamvis, ut scribit, post aduentum Christi, per vniuersa monasteria monachorum, & per clericos, vel etiam laicos castitatem seruantes, quasi contritus Malleus ille videatur; tamen adhuc multo plures sunt, qui ab illo Mallo quotidie confringuntur, quam illi, qui de collisionis illius ruina liberantur. Neque huius Mallei strepitus percipitur in ædificatione Domus Sapientiæ, cum nullus sit ad Aedificium istud construendum idoneus, qui non sit mundus, purus, pudicus, &c, si non virgo, certè virgineus. Abest quoque ab eadem Domo, dum ædificatur, strepitus Mallei Babylonici, quatenus est superflua Cura rerum temporalium, ut illum exponit (a) S. Paulinus: nam omnibus eius ædificatoribus dictum est: (b) *Quærite primum regnum Dei, & iustitiam eius, & haec omnia adiicientur vobis.* Ex ijs multi sunt paupertatis externæ amantes non admittuntur in numerum ædificantium nisi pauperes Spiritu. Quod si quidam non renunciant omnibus quæ possident, ijdem

tamen

(a) *S. Paul. in. epist. 12.* (b) *Matt. V. 11.*